

- 3 E exigencianan requeri pa por wordo nombra como empleado gubernamental (encuanto capacidad, aptitud, existencia di un vacatura cu ta pertenece na formacion stipula y disponibilidad di e medionan financiero dentro di e presupuesto, etc.) ta aplicabel tambe pa e contratante di trabao den e sentido mas amplio di palabra. Un aprobacion di antemano pa medio di un decreto formal (Landsbesluit) ta requeri pa por firma un contrato di trabao.
- 4 Dentro di dos luna gobierno ta tuma un decision tocante tur trahador den servicio di gobierno cu sin motibo valido no ta eherciendo nan funcion, sea nan ta wordo reactiva of nan lo haya nan retiro.
- 5 Gobierno ta percura pa tur eventual situacion gubernamental, entre cual tur asunto di personal di gobierno (den e sentido mas amplio di palabra), cu awor ta en pugna cu recomendacionnan di Rapport Calidad, dentro di tres luna lo ta cambia conforme cu recomendacionnan di Rapport Calidad.

Den e cuadro aki gobierno lo institui dentro di dos siman un comision consistiendo di:

- un presidente nombra door di ministro di Asuntonan General;
- Hefe di Directie Personeel en Organisatie;
- Hefe di Projectbureau Reorganisatie;
- un persona apunta pa e sindicatonan;
- un persona apunta pa e otro gremionan.

- E comision aki dentro di un luna lo conseha gobierno riba tur caso encuanto personal cu e ta considera contra di reglanan poni den Rapport Calidad y tambe especificamente riba tur caso di ambtenaar cu no ta activo y tur caso di ambtenaar cu tin toelage (ex artikel 25 LMA).
- E comision lo tene debito cuenta cu e recomendacionnan di e 'Commissie Rechtspositie personeel bureau's van de ministers'.
- Gobierno ta pone na disposicion di e comision tur informacion cu e comision mester pa eherce su funcion.
- Gobierno lo atene su mes dentro di cuadro di nos leyman vigente na e recomendacion di e comision.
- Gobierno, den consulta cu gremionan, lo studia e posibilidad pa un comision di mesun indole cu esun menciona por haya un status permanente pa vigila cu asuntonan di personal ta keda atendi di acuerdo cu e criterionan di Rapport Calidad.

FUNCIONARIONAN POLITICO

Gobierno ta promove reglamentacion mas pronto posibel di posicion huridico (rechtspositie) di funcionarionan politico di acuerdo cu e recomendacion di Commissie Evaluatie rechtspositie statenleden en ministers (di 1 juli 1999).

CONTROL

- Empleadonan publico cu ta na altura di actitud no-integro di otro colaboradornan gubernamental of organizacionnan (y posiblemente di gobernantenan), mester por circula informacionnan aki, pa asina por tuma accion correctivo.
- Gobierno lo pidi Procurador General un conseho riba con por crea mas hopi proteccion posibel pa esun cu ta entrega un keho encuanto actonan contra integridad den gobernacion ("whistle blower protection").